

Tayta Diosman yärakur imano kawanantsipaq kashqanpis

Wakin runakuna Tayta Diosman yärakuykashqanta nir-pis manami musyantsu imano kawanantsipaq kashqanta. Tsayta yachakunantsipaq Tayta Diosman yärakuq runata ruëdaman tinkutsishun.

Chawpin: Jesucristuta chaskikushun

Tayta Diosman yärakuq runaqa Jesucristutami chaskikun.



Ruëda chawpincho cübu y ëji mana kap-tin manami tumayta kamäpakuntsu. Tsay-nölämi Jesucristuta mana chaskikurqa Tayta Diosman yä-rakuyta mana kamäpa-kuntsitsu. Payta chaskikurmi itsanqa payman yä-rakunantsipaq mushuq kawayta chaskintsi.

2 Corintios 5.17

Pipis Jesucristucho karqa mushuq kamashqa runanami kaykan. Unay kawayqa pasashqanami. Kananqa lapanpis mushuqnami kaykan.

Gálatas 2.20

Noqaqa Jesucristuwan cruzcho wanushqanömi kaykä. Manami noqanatsu kawä, sinöqa Jesucristumi noqacho kawan. Tsaymi Tayta Diospa Tsurinman yäarakur kawaykä. Paymi kuyamashpantsi noqantsi rayku wanurqan.

Äru: Dios munashqanno kawashun

Tayta Diosman yäakuq runaqa pay munashqannömi kawan.



Jesucristuta chas-kikushqa karqa paypa makinchönami kaykantsi. Tsaymi yarpachakuntsi ima rurashqantsipis, parlashqantsipis y yarpashqantsipis pay munashqanno kananpaq.

Santiago 2.14

Kuyay wawqi panikuna, “Tayta Diosmanmi yarakuykä” nirpis pay munashqanno mana kawaptintsiqa ¿imapaqtaq yarakushqantsipis välin? Tsayno kawaq runakunataqa Tayta Dios manami salvanqatsu.

Ruédacho räyu mana kaptinqa ëji mayjina jirururpis manami ruédata tumatsintsu. Tayta Diosman yäraquq runa cäsukur kawanapaq chuskumi räyukuna kaykan.

Räyu 1: Palabranta yachakushun

Tayta Diosman yäraquq runaqa paypa palabrantami yachakun.



Tayta Diosmi palabranchu tantiyatsimantsi pay pi kashqanta y imano kawanantsipaq kashqanta. Tsaymi palabrantami mana yachakur mana musyantsitsu imano payta cäsukunantsipaq kashqanta.

2 Timoteo 3.16

Tayta Diospa palabrancho lapan qelqaraykaqkunaqa Tayta Diospa yarpayninkunami kaykan. Tsaymi ali kaykan yachatsinantsipaq, tantiyatsinantsipaq, corriginantsipaq y Tayta Dios munashqanno kawanantsipaq.

Räyu 2: Tayta Diosta manakushun

Tayta Diosman yäraquq runaqa paytami manakun.



Tayta Diosta manakurmi imata yarpashqantsitapis wila-pantsi. Tsaynöpis alabantsi, perdonta manakuntsi, agradëcikuntsi y wakintapis yanapananpaq ruwakuntsi.

Efesios 6.18

Imay hörapis Espíritu Santu tantiyatsishushqaykino Tayta Diosta manakäriy. Mana ajayaypa imaypis ruwakäriy. Yäraquq mayikikunapaqpis mana qonqaypa manakäriy.

Filipenses 4.6–7

Imapaqpis ama lakikäriytsu. Tsaypa trukanqa Tayta Diosta agradëcikir lapanchöpis yanapashunaykipaq manakäriy. Tsayno manakäriptikimi Tayta Dios ali kawayta qoshunki. Paymi shonquykitapis yarpaynikitapis cuidanqa Jesucristuman yäarakur mana lakikärinaykipaq. Tsaymi imanir kushishqa kawashqaykita pipis mana tantiyanqatsu.

Räyu 3: Juntakäshun

Tayta Diosman yäakuq runaqa yäakuq mayinkunawanmi juntakan.



Yantata ninapita jorquptintsi upishqannömi noqantsipis yäakuq mayintsi-kunawan mana juntakar qasakashqano rikakuntsi. Junta-karmi itsanqa shumaq yäakunantsipaq shakyätsinakuntsi.

Hebreos 10.24–25

Kuyanakunantsipaq y alikunata ruranantsipaq juknintsi juknintsi shakyätsinakushun. Wakin wawqi panikuna juntakayta qelanaptinpis noqantsiqa ama qelanäshuntsu. Jesucristo kutimunarpaqna kashqanta musyaykarqa shakyätsinakunantsipaq imaypis juntakäshun.

Räyu 4: Wilakushun

Tayta Diosman yäraquq runaqa Diospa wilakuyninta runa mayinta wilapanmi.



Tayta Diosman yärakurqa runa mayintsita wilapantsi paykunapis Jesucristuta chaskikunanpaq. Chaskikur kushikuptin noqantsipis kushikuntsi y Tayta Diosman masmi yärukuntsi.

Romanos 1.16a

Noqa manami penqakütsu Tayta Diospa ali wilakuyninta wilakur. Tsay wilakuyqa Tayta Diospa poderninmi kaykan lapan chaskikuqkunata salvananpaq.

Motor: Tayta Dios yanapamashqantsi

Ruédapa cübun, ärun y räyunkuna kaptinpis motor mana kaptinqa manami ima fuerzapis kantsu ruédata tumatsinanpaq. Tsaynölami Tayta Dios mana yanapamaptintsiqa pay munashqanno kawayta mana kamäpakuntsitsu.

Gálatas 5.16

Tsaymi kayno ni: Espíritu Santu tantiyatsishush-qaykino kawapäkuy. Tsayno kawarqa manami shonquyki munashqanno jutsata rurapäkunkipaqtsu.

San Juan 15.5b

Noqawan mana juklaylano kawarmi itsanqa ima ruraytapis kamäpakärinkitsu.

Filipenses 2.13

Pay munashqanno kawapäkunaykipaq kikinmi shakyätsishunki y poderta qoshunki.

Yarpäshun imata yachakushqantsitapis

- Yachakushqantsi Tayta Diosman yäraquq runa Jesucristuta chaskikushqanta.
- Yachakushqantsi Tayta Diosman yäraquq runa pay munashqanno kawashqanta.
- Yachakushqantsi Tayta Diosman yäraquq runa paypa palabranta yachakushqanta.
- Yachakushqantsi Tayta Diosman yäraquq runa payta manakushqanta.
- Yachakushqantsi Tayta Diosman yäraquq runa yäraquq mayinkunawan juntakashqanta.
- Yachakushqantsi Tayta Diosman yäraquq runa Diospa wilakuyninta runa mayinta wilapashqanta.
- Yachakushqantsi payman yäraunantsipaq Tayta Dios yanapamashqantsita y mana yanapamaptintsi payman yäraquyta mana kamäpakushqantsita.